

Texaxataamete Distritales 'litsikáte wahiauiyatsie metá Texaxataamete Municipales

'litsikáte wahiauiyatsie

'litsikáte hiawiyari Mayaní yixiya 2023-2024 wiyari

'litsikáte hiawiyari metá Kiekátaari Teparewiwaamete Karitsikutaari Kiyari (IEPC Jalisco), ni'aari ke mireuku'iniari 'aritikurutetsie 41, mukatsuuti V, Xeitaápari C, 'Utíarika xeitáapariyarite 1, 2, 3, 5, 6, 9, 10 tsiere 11; 116, Taarimeyari IV, meukuxeitáapari b) hepaina c) Mekiku Kwieyaritsie mieme Xapa Ti'aitaame Yuxewí; 1, 98, 104, 207, 208 metá 'iikitsie miemete miyutiniirike Xapa Naimetsie Ti'aitaame Tehiritiariiekate metá 'litsikáte Hiawariya Yixiyatsie Timieme; 1, 4, 'utíarika xeitáapariyari 1, meukuxeitáapari h); 9, 19, 'utíarika xeitáapariyari 1, meukuxeitáapari a); 20, 21, 22, 23 metá yaxeikía mireikuhapana manuyeniirike 'Utíarika xapáyaari 'litsikáte Hiawariya Yixiyatsie Kiyari Manuxewí; 12, Taarimeyari I, III, IV, VIII metá XVI Xapa Ti'aitaame Yuxewí Kariitsiku Kwieyaritsie mieme; 1, 5, 'utíarika xeitáapariyari 5, 114, 115, 'utíarika xeitáapariyari 1, taarimeyarite I, V metá VII; metá 'utíarika xeitáapariyari 2; 116, 117, 118, 'utíarika xeitáapariyari 1, taarimeyarite I metá IV, meukuxeitáaparitika a) metá b); 134, 'utíarika xeitáapariyari 1, taarimeyarite II, VI metá XXV, XXVI, XXVII metá XXVIII; 135, 137, 'utíarika xeitáapariyari 1, taarimeyari XXI; 144, 145, 146, 147, 148, 149, 150, 151, 152, 153, 154, 155, 156, 157, 165, 166, 183, 184, 185 metá meutiniirike tsiere mikuparewiwa 'litsikáte Hiawariya 'Iniariyari xapáyaari Karitsiku Mieme; yaxeikía niuki mayunitsá IEPC-ACG-061/2023 ya tiutanaki'erieku Naimetsie Tixaxataame 'litsikáte hiawiyari metá Kiekátaari Teparewiwaamete Karitsikutaari Kiyari xeiriyaápa tukaari mika'ayutipitsie mieme tsetiemire 18 tukaari 2023 wiitaari:

'I N I E R I K A

Kiekátaari yunaiti Karitsikutaari ke mi'ane meuhamikini 'anuyehapánariya yixiyatsie mieme metá memitapairitiarieni memanuyéhapanieni 20 Texaxataamete Distritales 'litsikáte wahiauiyatsie metá 125 Texaxataamete Municipales 'litsikáte wahiauiyatsie, miki mekatenikumayiakuni 'aixi memite'akuyurieni, wenitsitiiyarika memiwewieni metá memiteta'wiya 'litsikáte Hiawariyatsie yixiyatsie xei kiekariyaritsie mieme matineni 2023-2024 wiitaaritsie; yuxexúiti tiitatsie memiteyuta'iniatáxiani, tatsiarí hehékwamete memitihawarienitsie 'litsikame Manuxewí Tixeiyakame, 'litsikame Ti'aitaame metá yunaiti ke yupaimeti memi'litsikame Tiriámama Munitsipiyu Miemete Karitsiku miemete,

T S U U T + M E Y A R I T E

Mukamexia. Tiyaáte

Texaxataamete Distritales metá municipales 'litsikáte wahiauiyatsie miki mekatenawiyani 'litsikáte hiawiyari kiyari (Instituto Electoral), tehiritiariiekate ke pai mete'eewayu ya mitiyini, wenitsitiiyarika ke memitepiini metá ke memiteta'wiya hiawiya yixiyatsie timieme, ke teewa 'uye'atikaimete teyuhawemete memiwakuyuitiani kiekari manuhane, xapa ni'aari 'litsikáte heekwamete wahiauariya ke mayetaime metekahuti, tatsiarí Xapa Ti'aitaame 'litsikame Niuki



Parque de las Estrellas 2764, Col. Jardines del Bosque
C.P. 44520 Guadalajara, Jalisco, México.



33 4445 8450

www.iepcjalisco.org.mx

Kariitsiku Kwieyaritsie Mieme, 'litsikáte Hiawariya 'Iniariyari Xapáyaari 'Etsitaaru Karitsiku Mieme, 'Itiarikate xapáyaari metá niuki ke mitiyupixia 'litsikáte hiawiyari metá Kiekátaari Teparewiwaamete Karitsikutaari Kiyari.

Tiyaáte memitapairitarieni memanuyéhaxianiki Texaxataamete Distritales 'litsikáte wahiauiyatsie metá Texaxataamete Municipales 'litsikáte wahiauiyatsie:

Memitihiawarieni Texaxataamete Distritales 'litsikáte wahiauiyatsie:

- Xewíti tixaxataame piresirente ya piresirente metá me'ataxewíti texaxataamete distritales memutiniuni memuwutaruwani heitserie mehexeiyati.
- Naimetsié texaxataamete yuhaikati 'ukári ya 'ukítsi wawárita memakú'uni ke mi'ane meri mimieme tiyutixeyame.

Memiti'uuní Texaxataamete municipales 'litsikáte wahiauiyatsie Munitsipiyu Guadalajara, San Pedro Tlaquepaque, Tlajomulco de Zúñiga, Tonalá metá Zapopan:

- Xewíti tixaxataame piresirente 'uká ya 'ukí metá texaxataamete municipales me'ataxewíti heitserie mehexeiyati memutiniuni memuwutaruwani.
- Naimetsié texaxataamete meyuhaikati 'ukári ya 'ukítsi wárita memakú'uni ke mi'ane meri mimieme tiyutixeyame.

Memiti'uuní Texaxataamete municipales 'litsikáte wahiauiyatsie:

- Xewíti tixaxataame piresirente 'uká ya 'ukí metá texaxataamete municipales 'ukári ya 'ukítsi meyunaukati memutiniuni metá memuwutaruwani heitserie mehexeiyati.
- Naimetsié texaxataamete meyuhaikati 'ukári ya 'ukítsi wárita memakú'uni ke mi'ane meri mimieme tiyutixeyame.

Ke hate, memayuka'utia memanuyéhaxianiki xeimetsié Tixaxataame Distrital, xika maana mekate'unake, kaniyiweni memanuyéhaxiani xeimetsié Tixaxataame Municipal, xika tinakemeki metehayé'atiani ke paimeiti mitiyunaki'erie memipitarieni memaka'utsieni maana timiemetsie; xapáte yaxeikía katineukunakeni ke paimeiti meutiniirike metá tawarí yuxapáte mekatenitixeyariyekuni yixiyatsie miemeki 'iitsikáte miiki hiritiarekate wahetsia heekwameki memaka'utsieniki.

Huutáriea. Tukaaripate



Texaxataamete Distritales 'litsikáte wahiauiyatsie mekananuka'uikuni nuwimire 16 tukaari 2023 wiitaari metá manuyukupiini kuriyu 05 tukaari 2024 wiitaari.

Texaxataamete Municipales 'litsikáte wahiauiyatsie mekananuka'uikuni maxitsu 1° tukaari 2024 wiitaari metá manuyupiini kuniyu 20 tukaari 2024 wiitaari.

Hairieka. Tiita mitiyuku'iwawa

'Ukári, 'ukítsi ke hate memeukiniku Texaxataamete Distritales 'litsikáte wahiauiyatsie metá Texaxataamete Municipales 'litsikáte wahiauiyatsie, mihate xapáte metexeiriéni mirayuxaxata:

- Xapa maka'ut+a kename Mekiku penuiwame metá kename tinakemekí pekiekame naimetsie heitserie pehexeiya 'iitsikame hixie niuyá metá kiekarípa timieme.
- Pe'aka'uti Manuxewí Xapa Memaye'utsetsie Miwa'uuti 'litsikáte Hiawiyari Kiyari metá pemiwutaruwani xapayari pehexeiya.
- 'Etsitaaru penuiwamekati ya maana pe'ukaiti huuta wiitaari peyuríet+ 'akuxi pekati'iikatiarieweti metá Hiawiyari Kiyari pemi'unie 'aurie pe'ukaiti ya hirixía Texaxataamete metá munitsipiyute hipámetsie pita memayé'u kiekari taitá miemete Karitsiku mirawiyatiká, miki hirixía kaniwareuyehiaká hurawa memiteni xika me'anuyéhaxiani meteyukihaweni tseepá ke m'ane munitsipiyutetsie manuhane.
- Naime rakumaiti 'iitsikáte wahiawarika ke maku'ane 'aku miki tinakemekí mitiuta'uximayáta.
- Ya tikamieti hiawiya 'iniariyari ke mayetaine mirayexeiya ke pai mitikuyine Texaxataamete Distritales tsiere municipales 'iitsikáte wahiawarika matineni 2023-2024 wiyari, Texaxataamete me'iyexatayu memite'awiya 'litsikáte hiawiyari metá Kiekátaari Teparewiwaamete Karitsikutaari Kiyari tsiere miki yunaiti maana memeuyeyuyuipe 'iiki 'inierikatsie.
- Xika haika wiitaari kaheutineweni tixai 'iitsikame perayaní hawai kumunirá pemikapitarieni tamí tsi 'anutiayay xika 'eena peyeimikini.
- Tixai hawai 'iitsikame tini'awaame manuxewítsie timieme pekarayeiweti, hawai 'Etsitaaru ya munitsipiyutsie tixaiti xeíme partido políticotsie pekarayeweti haika wiitaari ka'anuyeyiwekaku pe'akeneni pemikapitarieni.



- Haika wiitaari xika kaheutneweni pe'akeneti pe'u'atatexieni tixaiti 'iitsikame perayaniké mīiki pemikapitarieni 'eena pemuyehani.
- Xanetsika 'ahetsié mieme hawai kareheekiakaku xika xeíme pe'unaanaimani tiyukukwinemeki.
- Xanetsika 'ahetsié mieme hawai kareheekiakaku kename 'ukári pekawanaanaima.
- Xapa hawai kareyekaiku kename xeíme pekarapinirie 'ikwaitsie timieme hawai yiki karaniuwa 'ahetsié mieme 'iitsikame hepaitisa yatini perapikaitini, kename ri pere'akatua naimeki 'ikwaitsie timieme.
- Yunaiti 'iitsikáte hiawiyari kiyari pekati'uximayátsirieti.
- Xeíme partido políticotsie peka'ayeweti.
- Xapa pe'uyeyeti 'utaineme kename hawai pekahanutahiya pekarekwetatiarie.

Naurieka. Xapáte

Meuyewetse xapáte ke paimeti maxaxatsiwa 'akuxi ta kaneutiwirimiki hipáti 'ipai titetewati:

- Xapa 'aniutiarika kename pe'anuyehani, 'a'ikiya haweereme (ke'aneme xapa manayetuani 'iitsikáte hiawiyari metá Kiekátaari Teparewiwaamete Karitsikutaari Kiyari).
- Xapa wewiya raye'ut+akame: ke pem+titewa ke pemireukumu'uhiatiká, 'akie ke reyetewakaku pemeka, 'aniukame 'iniariyari, 'acoreo electrónico, ke tipaimemetsié pemituata'uximayátaxi, 'ikitiarikatsié hakewa pemeuti'a, 'iitsikame niukieyaki pe'atikeká, peti'ikitaametini; xapa petiuti'utiani; harerutsiya pe'ayexeyani, kiekátaari tixaitsie wa'ika petiutitini, 'akiekaritsié ya kiekaripa petiuparewieni; mīiki tinaimetsie, ke reuyuta'ayumiemeyari pemitiyane (ke'aneme xapa manayetuani 'iitsikáte hiawiyari metá Kiekátaari Teparewiwaamete Karitsikutaari Kiyari).
- 'Itsi'ayeteewime Resumen curricular xei xapa kanutiyeikame, letra Arial 12 paimemeki, (mīiki xapa kaniyetuaka 'iitsikáte hiawiyari metá Kiekátaari Teparewiwaamete Karitsikutaari Kiyari).
- Xika xapa 'awewiya tikateni, hakeewa meyutiwewi yucertificadate hexeyatikaiti, xapayarite tihek+atati kename perakumaté tiitatsie peti'uximayátamiti pemitu'awawá tinakemeki petikumayianike.
- Xapa 'iitsikame mitawewi Pemutinuiwaxitsie mieme.
- Pemiwutaruwani xapayari naitсата 'ikiyari.



Parque de las Estrellas 2764, Col. Jardines del Bosque
C.P. 44520 Guadalajara, Jalisco, México.



33 4445 8450

www.iepcjalisco.org.mx

- ‘Akie pemanuka xapayari ‘ikiyari ‘litsikáte hiawiyari kiyari ‘iniariyari mayemie ya munitsipiyu pemi’awawátsie mieme.
- Xika Karitsiku pekanuiwametini, yuri xapa wewiyari peta’aitame ‘ikiyari heutinikame ‘iiki ‘inierika manayenésie wewiyakame, maana munitsipiyu pemanuka ‘iitsikame miwe wewiyaya, ‘ayemietí ke pai wiitaari pemiuríe Karitsiku pekietí.
- Xatsunimeki ya pemitayiní kename yuri pehaine hawai pekahetaxanetsiewe tixai ‘anaanaimárika hawai kareheekía tiyukukwinemeki (míiki xapa kaniyetuaka ‘litsikáte hiawiyari metá Kiekátaari Teparewiwaamete Karitsikutaari Kiyari).
- Yuri ya mitayiní kename haika wiyari ‘úwa matiyune kawiyariewe tixaití ‘iitsikameyariki; metá hawai kareka’utse candidata ya candidatoki kename yukenekai ‘iitsikameki haika wiitaari ri heutinena; tsiere tixai karayeiwé Mekiku tenarípa tini’awaameki, ya tini ‘Etsitaaru méxika munitsipiyu miemeki, ya xeíme partido políticotsie karayewe haika wiitaari meutinena hiiki miya ‘upaukwakaku miyuwawá metá tixaitiki katikunamiyarieti tinakemeki tita’uuximayáta tseepá tiita ‘ikayariki ‘iitsikame kiyarítá kuruuxipa manuxewí; ‘iitsikame niuki kahaxiamati ya ‘ukári waheimá ka’uyemietí memi’ukárikí; hawai karapiiti ‘ikwaitsie timiemeki. Mekaniyutaheekiatákuni kename ri ‘aixi me’uyi naimeki mete’ayukatua hawai xeime ra’ikwaiya mekatehapinirie (míiki xapa kaniyetuaka ‘litsikáte hiawiyari metá Kiekátaari Teparewiwaamete Karitsikutaari Kiyari).
- Yuri ya mitayiní kename ‘aixi ya ra’eeriwa ‘iiki ‘inierika tsuutimeyari ke mireuyukuwewie metá ke memiteheikupine ke pai memitetapairitsiyarieni Texaxataamete Distritales tsiere Municipales ‘litsikáte yíxiyatsie matineni 2023-2024 wiitaari, xapa memixewiriyaxi Naimetsie Texaxataamete memitehawiya ‘litsikáte hiawiyari metá Kiekátaari Teparewiwaamete Karitsikutaari Kiyari yunaiti meuyutini’í ‘iiki ‘inierikatsie (míiki xapa kaniyetuaka ‘litsikáte hiawiyari metá Kiekátaari Teparewiwaamete Karitsikutaari Kiyari).
- Míikitsie, yukimana miyuta’utiirieni miyupairitiani, yuri ya mitayiní xika memite’uka’eniwa wa’iwátini ya katixai ya tenaanaimáriekate.
- Ya mira’eriwa miwapitiani, ‘litsikáte hiawiyari metá Kiekátaari Teparewiwaamete Karitsikutaari Kiyari, ya memitekakiné kuruxipa metá kiekaripa, míiki ‘acurriculo pemiyeetua mikumayiani, mihekiata página Web hetsie, tsiere ya pehaiti xika ‘a’iyaariki petiparewimiti peyaneni.



Parque de las Estrellas 2764, Col. Jardines del Bosque
C.P. 44520 Guadalajara, Jalisco, México.



33 4445 8450

www.iepcjalisco.org.mx

- 'Utíarika huuta xapayari (cuartillas) kanayemiemi, ke peti'akihaweti ke pai 'a'iyaaari 'anekaku 'iikitsie pemití'aniutia pekemíti tinakemeki pemipairitiarieniki tixaxataame distrital ya municipal pemayaní 'litsikáte Hiawariyatsie 'amamáki 'axirikiya 'ayemiekame.
- Xapa 'utaineme kename hawai pekahanutahiya pekarekwetatarie.
- Kename naime pe'akateriwáka metá 'amamáki pe'ixirikíxi tiita 'Eéki xeikía pemiraxaxatiariwa yaaki 'ayeteewimeki 'litsikáte hiawiyari metá Kiekátaari Teparewiwaamete Karitsikutaari Kiyari miyetua kimana "Memiti'uitiarieni Tixaxataamete Distritales tsiere Municipales 'litsikáte wahiauiyatsie yixiyatsie matineni 2023-2024 wiitaari."

Xapáte ke paimeti maxaxatsika meutiwiwire 'litsikáte Hiawariyatsie yixiyatsie mieme memayuka'utiaxia Sistema Estatal de Registro para Consejeras y Consejeros Distritales y Municipales hetsié, mektenitawawiyariekeni xapáte heekwameki wewiyakame metá 'ikiyarite teitéri yu'utiwaamete memanayenexianiki kename texaxataamete distritales ya municipales mehakiné. Míiki xapáte kaniyunaki'erieka tinakemeki miyutixeiya 'aku mitinakitsitiani yiwani metá yuri yeitiarika mayaniki ke tipaimemetsie timieme xapayarite maka'utsirixia metá míiki ta'aurié kanayuwiiemi xika ri naiti xapáte tiyutixeiya yuri wewiyateki mati.

'Auxiwirieka. Tukaari yixiyate pairitiarikapa

Tinakemeki mitiyutixeiya yuwawaaméte 'aku xika naime meteyetuaní ke tipaimeti mitiyutawau, 'aku míiki yeme ke hate naimeki 'aixi memiteheuti'ane memanuyehapanieni Texaxataamete Distritales 'litsikáte wahiauiyatsie metá Texaxataamete Municipales 'litsikáte wahiauiyatsie, Tukaari yixiyate pairitiarikapa mayaní katinipaimeni 'eena mayuxaxatatiká:

I. Mayuka'utiani.

II. Yuri niuyá kename 'aku ya ra'eriwati yiane metá yuxapáte miranúni'aani.

III. Xapáte naime mititixeiya Tini'awaame te'uuximayátaamete wa'ukiyari.

IV. Kaniyutawewiemiki metá míkitsie ya katinitayimiki xapáte ke meuku'ananetika.

V. Ke mitinanake yuwawaame wewiyate ke tipaimeti mirayehu metá ke mutayi muti'iwawiyarietsie.

VI. Heitserie mitiyupiini metá ke paimeti mitiyutanaki'eri hiwatarieka mieme yuwawaaméte memite'anutinakitsitiaxia yuxapáteki.



Tukaari yíxiyate pairitiarikapa ke yupaimeti memayuka'utiaxixia metá wawewiyate mitiyuti'iniatá metá memiti'iwawiyarieni katiniyimiki plataformas electrónica, miki tsi virtual hetsié. 'Ayumieme, kiekátaari 'ukári 'ukári ke hate, yuxapáteki raye'arikamé memiteheutipiine tinakemeki wewiyatikame metá xapáte meutiwiká xika raye'arikani 'eena 'iiki 'inierikatsie mayuxaxatatiká, mati'iniatsieni mekaniutinexiakuni wawewiyate ke tipapaimeti mirayuxaxatatikani metá ke memite'iwawiyarieni, 'iiki 'imatirieka kaniyuwewiemiki pe'ikieti videoconferencia titewati Teams.

'Ataxewirieéka. Mayuka'utiani

Ke hate memeuyu'iniatuku memitihawarieniki texaxataamete distritales 'iitsikáte wahiauiyatsie mekaniyiweni yusolicitud memuwewieni xapáte ke paimeti ma'iwauriwa mitiyuyetuaxiani 'iiki 'eena 'inierika ke pauka tuukari kiekaripa yutaheekiatá katsutiti metá 'utiniereti 19 octubre 2023 wiyari, katiniyimiki Sistema Estatal de Registro para Consejeras y Consejeros Distritales y Municipales, kanayemieni 'internetsie titewati www.iepcjalisco.org.mx

Ke hate memeuyu'iniatuku memitihawarieniki texaxataamete municipales 'iitsikáte wahiauiyatsie mekaniyiweni yusolicitud memuwewieni xapáte ke paimeti ma'iwauriwa mitiyuyetuaxiani 'iiki 'eena 'inierika ke pauka tuukari kiekaripa yutaheekiatá katsutiti metá 'utiniereti 29 febrero ki 2023 wiyari, katiniyimiki Sistema Estatal de Registro para Consejeras y Consejeros Distritales y Municipales, kanayemieni 'internetsie titewati www.iepcjalisco.org.mx

Takwé solicitud yutanaki'erienike tuukari ke mireuku'iniari 'anutiayay metá xika xapáte tukaari 'anutiayay yuyetuani metá hakeewa maxaxatsiwatika 'iiki 'inierika mayehu.

Ni'arikáte ke mireuku'itiatiká 'eena 'inierikatsie mayehu naiti maana katinayemieni ke pai mitiyupixiani tinakemeki mitiyutixeiya yíxiyatetsie timiemete, metá huyetiarika ke mireuku'itía metá formatote mayuxaxatatiká 'iiki tsuutimeyaritsie kaniyuekiatamiki 'internet hetsié www.iepcjalisco.org.mx.

'Atahuutárieka. Heekiakameki

Yuwawaaméte ke memitehanayenexia ke hate memite'unakitsitiaxia yuxexúiti naimetsié xika me'anutsunaxiani yíxiyatsie me'atikiné, kaniyuekiatamiki internet hetsie www.iepcjalisco.org.mx tsiere 'iitsikáte hiauiyari metá Kiekátaari Teparewiwaamete Karitsikutaari Kiyari taitatetsié, tinakemeki tseepá ke pauka ya metekahuti ni'aari ke mireuku'itiatiká mipai metekahuti mekatenitaheekiatakuni metá teitéri tiwaxapátetsie mirayehu meteta'iwiayati.



‘litsikáte hiawiyari kiyari katinihetsié miemetini xapáte ke tipaimeti mitiyukumaiwa, katinita’iwiyani metá naime katinitixexeyani tiita mirayehu miki xapátetsie teitéri yuxexúiti tiwapiini ke tipaimeti mitiyukuxeiri. Xapa ‘apiini xeikía miraye’utse ‘iki ‘litsikáte hiawiyari kiyari pemitietuiri takwé tawarí hawai heyuyetuanike metá tiitatatsie mieme xeikía mitiyutawau maana xeikía kanimiemetini metá tiitaki xeikía mireuyewetsé.

Xika xewíti reumaimikini maariya Yunikameki ‘Eéki xeikía pemiraxaxatiariwa, kaniyiwani meu’iwaumieni ‘iitsikame kiyarita ya ‘iki hipervínculo hetsie:
<https://iepc.cc/AvisoPrivacidadIntegral>

‘Atahairieka. Piini mikarayu’eriwatsié reuyewetí mirayeika

Piini mikarayu’eriwatsié reuyewetí mirayeika ‘iki ‘eena ‘inierikatsie ‘aixi katiniyutiyuriemiki ‘litsikáte hiawiyari metá Kiekátaari Teparewiwaamete Karitsikutaari Kiyari.

‘litsikáte hiawiyari metá Kiekátaari Teparewiwaamete Karitsikutaari Kiyari pamipariyuútsi mepixetehahiawe xemanuhane xemiýutauni xemiýuta’iniatáxi kiekataari ‘ukári metá ‘ukítsi Karitsikutaari ‘iki ti’uuximayátsikayari tukaarieya payaní tirikaiyéti tinakemeki ‘iitsikame hiawiyapa Mekiku Tenarikápa.

NIUKI MUXEWIRIYÁXI.

Wararakara, Karitsiku; 18 tsetiemire tuukari 2023 wiitaari



Parque de las Estrellas 2764, Col. Jardines del Bosque
C.P. 44520 Guadalajara, Jalisco, México.

33 4445 8450

www.iepcjalisco.org.mx